

سر تحریری : مصطفی فوزی

تاریخ تاسیسی ۱۳۲۷ سنه هجری
سنه ۸۰ اعتباریہ ملک شامانہ ایچون پیشه
اوله رق ۸۰ آلتی آیلنی ۴۰ غروش
وماک اجنبیه ایچون ۲۰ فرانکدر

حزین صوفیه

شمذیک هفته بر نشر اولنور

صاحب امتیاز و مدیر مسئول حسن کاظم
مکتبہ عثمانیه - امت اسلامیه ایچون مفید اولان آثار
محبته لر سر آچیتدر درج ایدیلان اوراق اعاده ایدلر
مطبوعه و اداره خانه سی : استانبول باب عالی جوارنده
ابوالسود جاده سی : نوسرو ۷۵ اصحاب سراجانه
مرساعت آچیتدر

نسخه سی ۶۰ پاره در

تصوفی، دینی، اخلاقی، ادبی، سیاسی جریده اسلامیه در

نومرو ۱۴۳

صرم حقنده بر آیه جلیله :

بسم الله الرحمن الرحيم

[فن شهد منكم الشهر فليصمه ...] الخ

معنای شریفی :

سزلردن هر کیم رمضان شریفک هلالنه شاهد اولوب ادراک
ایدرسه او مبارک شهری صائم اولسون یعنی اوروجنی طوتسون .
بتون مؤمنلره رمضان مغفرت نشانک فرضیتی بو آیه جلیله ایله
نابتدر جناب حق فرمان سبحانسته امتثالاً رمضان شریفک اوروجنی
طوتانلر جناب حق قارشو اولان بورجلرینی ادا ایتدکارندن
طولانی رضای الهیه مظهر اوله جقلری کبی مادی و معنوی برطاقم
فوائیده استحصال ایله جکلری شه سزدر . اصول فقده مبرهن
اولدینی اوزره صومک فرضیتی حقنده حکمت الهیه تربیه نفس
وتهذیب اخلاقدر انسانلر ماده کندیلرینه هجوم ایدن اعدای دین
و وطنی دفع ایتک و مدافعه موقع ایتک نصل ضروری و لازم ایسه انسانلرک
اک بیوک دشمنی اولان نفس اماره یی ده قهر و تشکیل ایتک اواصر
الهییه اطاعت ایتدیرمک انسانی غایه املنه واصل قیلحق بویله جه
لازم و ضروریدر . صومک منافع طبییه سنه کلنجه ممد و امعا خسته لقلرینه
دوچار اولانلر ایچون یکانه دوا در بتون علمای طب متفقددرکه
علم جلیل طبک قوانین عمومیه سی شواج شیده خلاصه ایدیلر بیلور .
حرکت ، بانیو ، برهیزدر . صومک طباً منفعتی بو صورتله ثابت
اولدقدن صکره اوروجنی طوتفقده مادی و معنوی طی منفعت موجود
اولوب عکسی صورتده یعنی اوروجنی طوتیمانلر حقنده مادی و معنوی
برطاقم مضرتلر اوله جنی درکاردر مثلاً بر اعضا حق بر ماکنه نقدر
قوتل اولورسه اولسون جالیته جالیته یوریله جنی حتی فعالیتندن
قاله جنی بدیهیدر . اتدن عبارت اولان انسانک شو ضعیف معده سی
اون بر آی لایقطع ایشلرسه عجا استراحته محتاج اولمازی ؟ شو
صورتله اوروجنی طوتانلر دین فطری اولان اسلامیه موافق حرکت
ایتدکارندن طولانی فطرت سلمیه لرنده قالمش اوروجنی طوتیمانلر ایسه
قانون طبیعتی نجوا ایتدکارندن ماده کندی راحلرینی سلب ایتدکاری

کبی هم جناب حق قارشو همده کندی وجدانلرینه قارشو ده مسئول
و معذبلرلر . هله نهال رمضانده علناً تقصص صوم ایدنلر اخلاقاً اوله
جانلر درکه حیات ملیه و دینییه دن عجز و مددرلر . عجیباً بر معذرت
شرعییه سی اولقسزین اوروجنی ینلر نه کبی ادلهیه استناد ایدیورلر
اگر اولومدن قورقورلرسه اوروج طوتانلرک دها جوق یتادینی
طوتیمانلرک ایسه عمر طبیعیلرینی ا کمال ایتدند وفات ایتدکاری هر کون
کوریلان و ایشدیلان شیلردندر . دین احمدیه منسویت ادعا سنده
بولان هر مسلمانک آداب اسلامیه دائره سنده اوروجنی طوتفقده سی
و معبود بالحق اولان واجب تعالییه قارشو وظیفه عبودیتی ایضا
وبو وسیله ایله ده سعادت دارینه مظهر اوله جنی بدیدار اولدیفندن
بویابده بوندن فضله سوز سویلنمسی زائددر .

دار الخلافه العلیه طلبه سندن

احمد وهبی

فلسفه

بسم الله الرحمن الرحيم

قال الله تعالى في كتابه المبین (هو الاول والاخر والظاهر والباطن)
صدق الله العظيم (مال شریفی) جناب حق بالجمله عوالم مادیه و معنویه تک
اول و آخری و بالجمله اشیانک ظاهری و باطنی در .
(معلوم اوله که) کائناتی محیط اولان عرش اعظمدن مرتبه خاکه .
و انجیه قدر بالجمله علویات و سفلیاته عالم اجسام اطلاق اولنور .
زمان ، ماضی ، مستقبل ، حال هر شک و شمس قمرک تمینندن حصوله
کلشدر . بوندن اول مادی برقی حصوله کله مشدر . بعده سماوات
وزمین عرش و کرسی و بالجمله مخلوقات تدریج ایله خلق اولنمشدر .
بواقمال تکوینییه فعل حق مضافدر بطونندن ظهوره کلشدر چکر دکاک
بطان ارضه انشقاقی کبی . ذاتا بالجمله اعمال ظاهره و باطنه ابطن
بطونندن ظهور ایده کلکده در لکن ظهور اعتباریه امور خارجییه
امور شهودییه و امور باطنیه امور معنویه اطلاق اولنور و اول خلقت
عالم عددک مبدائی کییدر اعداددن بر عددک یازلمدن اول شکلی خاطره
وارد اولور قبل الخطور وجودی وارد لکن موهومدر .